



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Epistola Eminentissimi Cardinalis Corradi Ad Stephanum Baluzium.

urn:nbn:de:hbz:466:1-15591

EPISTOLA EMINENTISSIMI CARDINALIS CORRADI
AD STEPHANUM BALUZIUM.

Per illas trias & admodum Reverendo Domino D. Stephano Baluzio
Canonico Remensi.

PERILLUSTRIS ET AEMODUM REVERENDE DOMINE.

Acceptæ profecto mihi fuerunt litteræ tuæ, Baluzi erudite. Nam hominis recti studiosi, atque ejus qui præclaræ memoriaræ PETRI DE MARCA istius civitatis Archiepiscopi summa mecum, dum in humanis agebat, amicitia juncti discipulus extitit, sincerae humanitatis officia præ se ferunt. Quod autem epistolam miseris à te conscriptam, qua doctissimi ac piissimi illius Praelati mores vivendique rationem ac res gestas scriptisque mandatas enarras, hoc gratissimum omnino fuit. Quippe veram præ oculis meis exhibet tanti viri effigiem: cuius quoniam viventis amplexibus ac suavissima perfriu consuetudine magna locorum distantia vetuit, nunc vita funeti illustria monumenta virtutis assiduè contemplari licebit. Nam illius vitam probatissimam optimo cuique exemplar & memoriam omnibus seculis recolendam meritò dixerim. Agamus itaque, mi Baluzi, ut quæ vir præstantissimus scriptis suis edocuit, & quæ à ceteris scribenda ipse fecit, nos quoque pro viribus imitemur; ut vinculis demum hujus humanitatis soluti, vita cum eo (ut sperare fas est) fruamur æterna. Quod faxit D. O. M. à quo veram precor tibi felicitatem. Romæ VII. Kal. Aprilis MDLXIII.

D. V.

*Ad officia paratissimus
I. Cardinalis CORRADUS.*

CLARISSIMI VIRI IOACHIMI PASTORII HISTORIOGRAPHI
Serenissimi Regis Poloniae Casimiri epistola ad clarissimum virum
Antonium Baluzium Varsaviæ regio lateri assistentem.

Generosissime Baluzi, Domine & amice honoratissime.

VITAM magni viri Petri de Marca Archiepiscopi Parisiensis descriptam à plurimū reverendo agnato tuo Stephano Baluzio Canonico Remensi cum gratiis emitto tibi, postquam illam non sine magna animi voluptate perlegi. Quippe qui singulari & quodammodo insita inclinatione feror ad hoc genus monumentorum quod insignium virorum virtuti actionib[us]que donat præmium immortalitatis, ceteris verò mortalibus exemplum ponit quo imitentur ac veluti face prævia ducantur in similem veræ gloriæ trahit. Si quis autem hominum sacra dignitate illustrum, Petrus utique ille hanc docti penicilli operam meritus est; cui de civilium honorum statione in ecclesiasticam transgresso vitæ color non unus, nunquam tamen nisi pulcherrimus fuit. Utique enim is experientæ indolis vigorem, suavem ad devinciendos animos genium, indefessam ad res laudatissimas industriam, doctrinam, prudentiam, dexteritatēmque in agendo, perpetuum denique in augendo virtutis & sapientiae regno studium ostendit. Certè, ut ex agnati tui elegantissima epistola, vera nimurum tanti viri effigie, intelligi potest, nunquam ille quevit, sed semper & faciendo magna & scribendo utilem se orbi juxtaque admirabilem reddidit, amatör juxta cultōrque omnium qui aut facerent aut scriberent æternitate digna. Video de Rege suo, video de rep. sacra, literaria, civili optimè meritum. Video rebus præsentibus ita intentum fuisse ut simul multa egregia in abysso vestitatis morientia aut jamjam moritura erueret de tenebris, venerandisque adeo priscorum temporum ruderibus & suum seculum & futura instrueret ornaretque, eo ipso profecto dignissimus immortalitate, quod quicquid immortalitate dignum crederet, id, quantum in se erat, non pateretur mori, & ideo immortalitatis magistros, et si ipsos morta-

a